

影印  
文淵閣

四庫全書

影印

文淵閣四庫全書

第三四九冊

北京出版集團公司  
北京出版社

# 本冊目次

通鑑紀事本末(四)

宋袁樞撰……………一

春秋左氏傳事類始末

目錄  
附錄

宋章冲撰……………四四五

欽定四庫全書

史部  
通鑑紀事本末卷三十七  
中

詳校官編修臣程槐

編修臣裴謙覆勘

總校官檢討臣何思鈞

校對官祭酒臣鄒奕孝

謄錄監生臣羅澤

欽定四庫全書

通鑑紀事本末卷三十七上

宋 袁樞 撰

黃巢之亂

唐僖宗乾符元年春正月丁亥翰林學士盧攜上言以  
為陛下初臨天寶宜深念黎元國家之有百姓如草木  
之有根柢若秋冬培溉則春夏滋榮臣竊見關東去年  
旱災自號至海麥纔半收秋稼幾無冬菜至少貧者磴

欽定四庫全書

通鑑紀事本末  
卷三十七上

蓬實為麪蓄槐葉為齋或更衰羸亦難收拾常年不稔  
則散之鄰境今所在皆饑無所依投坐守鄉閭待盡溝  
壑其蠲免餘稅實無可徵而州縣以有上供及三司錢  
督趣甚急動加捶撻雖撤屋伐木雇妻鬻子止可供所  
由酒食之費未得至於府庫也或租稅之外更有他徭  
朝廷儻不撫存百姓實無生計乞敕州縣應所欠殘稅  
並一切停徵以俟蠶麥仍發所在義倉亟加賑給行之  
不可稽緩敕從其言而有司竟不能行徒為空文而已

冬十月以吏部侍郎鄭畋戶部侍郎盧攜並守本官同平章事 上年少政在臣下南牙北司互相矛盾自懿宗以來奢侈日甚用兵不息賦歛愈急關東連年水旱州縣不以實聞上下相蒙百姓流殍無所控訴相聚為盜所在蜂起州縣兵少加以承平日久人不習戰每與盜遇官軍多敗是歲濮州人王仙芝始聚眾數千起於長垣

二年 初上之為普王也小馬坊使田令孜有寵及即

欽定四庫全書

通鑑紀事本末  
卷三十七上

位使知樞密遂擢為中尉上時年十四專事遊戲政事

一委令孜呼為阿父令孜頗讀書多巧數招權納賄除

官及賜緋紫皆不關白於上每見常自備果食兩盤與

上相對飲唱從容良久而退上與內園小兒狎昵賞賜

樂工伎兒所費動以萬計府藏空竭令孜說上籍兩市

商旅寶貨悉輸內庫有陳訴者付京兆杖殺之宰相以

下鉗口莫敢言 夏六月王仙芝及其黨尚君長攻

陷濮州曹州眾至數萬天平節度使薛崇出兵擊之為

仙芝所敗冤句人黃巢亦聚眾數千人應仙芝巢少與仙芝皆以販私鹽為事巢善騎射喜任俠粗涉書傳屢

舉進士不第遂為盜與仙芝攻剽州縣橫行山東民之

困於重歛者爭歸之數月之間眾至數萬羣盜浸淫剽

掠十餘州至於淮南多者千餘人少者數百人詔淮南

忠武宣武義成天平五軍節度使監軍亟加討捕及招

懷十二月王仙芝寇沂州平盧節度使宋威表請以步

騎五千別為一使兼帥本道兵所在討賊乃以威為諸

欽定四庫全書

通鑑紀事本末  
卷三十七上

道行營招討草賊使仍給禁兵三千甲騎五百因詔河

南方鎮所遣討賊都頭並取威處分

三年春二月敕福建江西湖南諸道觀察刺史皆訓練

士卒又令天下鄉村各置刀弓鼓板以備羣盜 三

月以左僕射王鐸兼門下侍郎同平章事 秋七月

宋威擊王仙芝於沂州城下大破之仙芝亡去威奏仙

芝已死縱遣諸道兵身還青州百官皆入賀居三日州

縣奏仙芝尚在攻剽如故時兵始休詔復發之士皆忿

怨思亂八月仙芝陷陽翟郊城詔忠武節度使崔安潛發兵擊之安潛慎由之弟也又命昭義節度使曹翔將步騎五千及義成兵衛東都宮以左散騎常侍曾元裕為招討副使守東都又詔山南東道節度使李福選步騎二千守汝鄧要路仙芝進逼汝州詔郾寧節度使李侃鳳翔節度使令狐綯選步兵一千騎兵五百守陝州潼關九月丙子王仙芝陷汝州執刺史王鐸鐸鐸之從父兄弟也東都大震士民挈家逃出城乙酉敕救

欽定四庫全書

通鑑紀事本末  
卷三十七上

四

王仙芝尚君長罪除官以招諭之仙芝陷陽武攻鄭州昭義監軍判官雷殷符屯中牟擊仙芝破走之冬十月仙芝南攻唐鄧十一月王仙芝攻郢復二州陷之十二月王仙芝攻申光廬壽舒通等州淮南節度使劉鄩奏求益兵敕感化節度使薛能選精兵數千助之鄭畋以言計不行稱疾遜位不許乃上言自沂州奏捷之後仙芝愈肆猖狂屠陷五六州瘡痍數千里宋威哀老多病自妄奏以來諸道尤所不服今淹留亳州殊

無進討之意曾元裕擁兵蘄黃專欲望風退縮若使賊陷揚州則江南亦非國有崔安潛威望過人張自勉驍雄良將宮苑使李琢西平王晟之孫嚴而有勇請以安潛為行營都統琢為招討使代威自勉為副使代元裕上頗采其言招討副使都監楊復光奏尚君長弟讓據查牙山官軍退保鄧州王仙芝攻蘄州蘄州刺史裴偓王鐸知舉時所擢進士也王鐸在賊中為仙芝以書說偓偓與仙芝約歛兵不戰許為之奏官鐸亦說仙

欽定四庫全書

通鑑紀事本末  
卷三十七上

五

芝許以如約偓乃開城延仙芝及黃巢輩三十餘人入城置酒大陳貨賄以贈之表陳其狀諸宰相多言先帝不赦龐勛昔年卒誅之今仙芝小賊非龐勛之比赦罪除官益長姦宄王鐸固請許之乃以仙芝為左神策軍押牙兼監察御史遣中使以告身即蘄州授之仙芝得之甚喜鐸偓皆賀未退黃巢以官不及已大怒曰始者共立大誓橫行天下今獨取官赴左軍使此五千餘衆安所歸乎因毆仙芝傷其首其衆誼譟不已仙芝畏衆怒

遂不受命大掠蘄州城中之人半驅半殺焚其廬舍僱  
犇鄂州敕使犇襄州錄為賊所拘賊乃分其軍三千餘  
人從仙芝及尚君長二千餘人從巢各分道而去

四年春二月王仙芝陷鄂州 黃巢陷鄆州殺節度

使薛崇 三月黃巢陷沂州 夏四月黃巢與尚讓

合軍保查牙山 六月庚申王仙芝黃巢攻宋州三

道兵與戰不利賊遂圍宋威於宋州甲寅左威衛上將

軍張自勉將忠武兵七千救宋州殺賊二千餘人賊解

欽定四庫全書

通鑑紀事本末  
卷三十七上

六

圍遁去王鐸盧攜欲使張自勉以所將兵受宋威節度

鄭畋以為威與自勉已有疑忿若在麾下必為所殺不

肯署奏八月辛未鐸攜訴於上求罷免庚辰畋請歸滌

川養疾上皆不許 王仙芝陷安州 乙卯王仙芝陷

隨州執刺史崔休徵山南東道節度使李福遣其子將

兵救隨州戰死福奏求援兵遣左武衛大將軍李昌言

將鳳翔五百騎赴之仙芝遂轉掠復郢忠武大將張貫

等四千人與宣武兵援襄州自申蔡間道逃歸詔忠武

節度使崔安潛宣武節度使穆仁裕遣人約還 冬

十月鄭畋與王鐸盧攜爭論用兵於上前畋不勝退復

上奏以為自王仙芝僂擾崔安潛首請會兵討之繼發

士卒罄竭資糧賊往來千里塗炭諸州獨不敢犯其境

又以本道兵授張自勉解宋州圍使江淮漕運流通不

輸寇手今蒙盡以自勉所將七千兵令張貫將之隸宋

威自勉獨歸許州威復奏加誣毀因功為罪臣竊痛之

安潛出師前後克捷非一一旦彊兵盡付他人良將空

欽定四庫全書

通鑑紀事本末  
卷三十七上

七

還若勅寇忽至何以杖梧臣請以忠武四千人授威餘

三千人使自勉將之守衛其境既不侵宋威之功又免

使安潛愧恥時盧攜不以為然上不能決畋復上言宋

威欺罔朝廷敗衄狼籍又聞王仙芝七狀請降威不為

聞奏朝野切齒以為宜正軍法迹狀如此不應復興兵

權願與內大臣參酌早行罷黜不從 黃巢寇掠蘄黃

曾元裕擊破之斬首四千餘級巢遁去 十一月招

討副都監楊復光遣人說諭王仙芝仙芝遣尚君長等

請降於復光宋威遣兵於道中劫取君長等十二月威奏與君長等戰於潁川西南生擒以獻復光奏君長等實降非威所擒詔侍御史歸仁紹等鞠之竟不能明斬君長等於狗脊嶺黃巢陷匡城遂陷濮州詔潁州刺史張自勉將諸道兵擊之王仙芝寇荆南節度使楊知溫知至之兄也以文學進不知兵或告賊至知溫以為妄不設備時漢水淺狹賊自賈鵲度

欽定四庫全書

通鑑紀事本末  
卷三十七上

五年春正月丁酉朔大雪知溫方受賀賊已至城下遂陷羅城將佐共治子城而守之及暮而知溫猶不出將佐請知溫出撫士卒知溫紗帽皂裘而行將佐請知溫擐甲以備流矢知溫見士卒拒戰猶賦詩示幕僚遣使告急於山南東道節度使李福福悉其衆自將救之時有沙陀五百在襄陽福與之俱至荆門遇賊沙陀縱騎奮擊破之仙芝聞之焚掠江陵而去江陵城下舊三十萬戶至是死者什三四壬寅招討副使曾元裕大破王仙芝於申州東所殺萬人招降散遣者亦萬人敕以宋

威久病罷招討使還青州以曾元裕為招討使潁州刺史張自勉為副使二月貶楊知溫為郴州司馬

欽定四庫全書

通鑑紀事本末  
卷三十七上

不至加山南東道節度使李福同平章事賞救荆南之功也三月羣盜陷朗州岳州招討使曾元裕屯荆襄黃巢自滑州略宋汴乃以副使張自勉充東南面行營招討使黃巢攻衛南遂攻葉陽翟詔發河陽兵千人赴東都與宣武昭義兵二千人共衛宮闕以左神武大將軍劉景仁充東都應援防遏使并將三鎮兵仍聽於東都募兵二千人景仁昌之孫也又詔曾元裕將兵徑還東都發義成兵三千守轅轅伊闕河陰武牢王仙芝餘黨王重隱陷洪州江西觀察使高湘犇湖口賊

轉掠湖南別將曹師雄掠宣潤詔曾元裕楊復光引兵救宣潤黃巢引兵渡江攻陷乾吉饒信等州夏四月詔以東都軍儲不足貸商旅富人錢穀以供數月之費仍賜空名敕中侍御史告身五通監察御史告身十通有能出家財助國稍多者賜之時連歲旱蝗寇盜充斥耕桑半廢租賦不足內藏虛竭無所依助兵部侍郎判度支楊嚴三表自陳才短不能濟辦乞解使務辭極哀切詔不許五月丁酉鄭畋盧攜皆罷為太子

欽定四庫全書

通鑑紀事本末  
卷三十七上

十

賓客分司六月王仙芝餘黨剽掠浙西朝廷以荆南節度使高駢先在天平有威名仙芝黨多郢人乃徙駢為鎮海節度使秋八月黃巢寇宣州宣歙觀察使王凝拒之敗於南陵巢攻宣州不克乃引兵入浙東開山路七百里攻剽福建諸州九月平盧軍奏節度使宋威薨辛丑以諸道行營招討使曾元裕領平盧節度使冬十二月甲戌黃巢陷福州觀察使韋岫棄城走

六年春正月鎮海節度使高駢遣其將張璘梁繼分道擊黃巢屢破之降其將秦彥舉師鐸季罕之許勅等數十人巢遂趣廣南彥徐州人師鐸冤句人罕之項城人也上以羣盜為憂王鐸曰臣為宰相之長在朝不足分陛下之憂請自督諸將討之乃以鐸守司徒兼侍中充荆南節度使南面行營招討都統泰寧節度使李係晟之曾孫也有口才而實無勇略王鐸以其家世良將奏為行營副都統兼湖南觀察使使將精兵五萬并

欽定四庫全書

通鑑紀事本末  
卷三十七上

十一

土團屯潭州以塞嶺北諸路拒黃巢五月黃巢與浙東觀察使崔瑒嶺南東道節度使李迢書求天平節度使二人為之奏聞朝廷不許巢復上表求廣州節度使上命大臣議之左僕射于琮以為廣州市舶實貨所聚豈可令賊得之亦不許乃議別除官六月宰相請除巢率府率從之秋九月黃巢得率府率告身大怒詬執政急攻廣州即日陷之執節度使李迢轉掠嶺南州縣巢使迢草表述其所懷迢曰予代受國恩親戚滿

朝晚可斷表不可草巢殺之 黃巢在嶺南士卒罹瘴

疫死者什三四其徒勸之北還以圖大事巢從之自桂

州編大棧數十乘暴水沿湘江而下歷衡永州十月癸

未抵潭州城下李係嬰城不敢出戰巢急攻一日陷之

係奔朗州巢盡殺戍兵流尸蔽江而下尚讓乘勝進逼

江陵衆號五十萬時諸道兵未集江陵兵不滿萬人王

鐸留其將劉漢宏守江陵自帥衆趣襄陽云欲會劉巨

容之師鐸既去漢宏大掠江陵焚蕩殆盡士民逃竄山

欽定四庫全書

通鑑紀事本末  
卷三十七上

十三

谷會大雪僵尸滿野後旬餘賊乃至漢宏兗州人也帥

其衆北歸為羣盜 十一月黃巢北趨襄陽劉巨容

與江西招討使淄州刺史曹全晟合兵屯荆門以拒之

賊至巨容伏兵林中全晟以輕騎逆戰陽不勝而走賊

追之伏發大破賊衆乘勝逐北比至江陵俘斬其什七

八巢與尚讓收餘衆度江東走或勸巨容窮追賊可盡

也巨容曰國家喜負人有急則撫存將士不愛官賞事

寧則棄之或更得罪不若留賊以為富貴之資衆乃止

全晟度江追賊會朝廷以泰寧都將段彥謨代為招討

使全晟亦止由是賊勢復振攻鄂州陷其外郭轉掠饒

信池宣歙杭等十五州衆至二十萬 十二月以王

鐸為太子賓客分司 初兵部尚書盧攜嘗薦高駢可

為都統至是駢將張璘等屢破黃巢乃復以攜為門下

侍郎平章事凡關東節度使王鐸鄭畋所除者多易置

之

廣明元年春二月左拾遺侯昌業以盜賊滿關東而上

欽定四庫全書

通鑑紀事本末  
卷三十七上

十三

不親政事專務遊戲賞賜無度田令攷專權無上天文

變異社稷將危上疏極諫上大怒召昌業至內侍省賜

死 上善騎射劍槊法算至於音律誦博無不精妙好

蹴鞠鬪雞與諸王賭鶩鶩一頭至直五十緡尤善擊毬

嘗謂優人石野豬曰朕若應擊毬進士舉須為狀元對

曰若遇堯舜作禮部侍郎恐陛下不免駁放上笑而已

度支以用度不足奏借富戶及胡商貨財敕借其半鹽

鐵轉運使高駢上言天下盜賊蜂起皆出於飢寒獨富

戶胡商未耳乃止 高駢奏改楊子院為發運使

三月淮南節度使高駢遣其將張璘擊黃巢屢捷盧攜奏以駢為諸道行營兵馬都統駢乃傳檄徵天下兵且廣召募得土客之兵共七萬威望大振朝廷深倚之夏四月張璘度江擊賊帥王重霸降之屢破黃巢軍巢退保饒州別將常宏以其眾數萬降璘攻饒州克之巢走 以諸葛爽為北面行營副招討 五月以汝

州防禦使諸葛爽為振武節度使 黃巢屯信州遇疾

欽定四庫全書

通鑑紀事本末  
卷三十七上

十四

疫卒徒多死張璘急擊之巢以金啗璘且致書請降於高駢求駢保奏駢欲誘致之許為之求節鉞時昭義感化義武等軍皆至淮南駢恐分其功乃奏賊不日當平不煩諸道兵請悉遣歸朝廷許之賊詞知諸道兵已北度淮乃告絕於駢且請戰駢怒令璘擊之兵敗璘死巢勢復振 六月黃巢別將陷睦州婺州 庚戌黃巢

攻宣州陷之 秋七月黃巢自采石度江圍天長六合兵勢甚盛淮南將畢師鐸言於高駢曰朝廷倚公為

安危今賊數十萬眾乘勝長驅若涉無人之境不據險

要之地以擊之使踰長淮不可復制必為中原大患駢以諸道兵已散張璘復死自度力不能制畏怯不敢出兵但命諸將嚴備自保而已且上表告急稱賊六十餘萬屯天長去臣城五十里先是盧攜謂駢有文武長才若悉委以兵柄黃巢不足平朝野雖有謂駢不足恃者然猶庶幾望之及駢表至上下失望人情大駭詔書責

駢散遣諸道兵致賊乘無備度江駢上表言臣奏聞遣

欽定四庫全書

通鑑紀事本末  
卷三十七上

十五

歸亦非自專今臣竭力保衛一方必能濟辦但恐賊逃邇過淮急宜敕東道將士善為禦備遂稱風痺不復出戰 詔河南諸道發兵屯潞水泰寧節度使齊克讓屯汝州以備黃巢 辛酉以淄州刺史曹全晟為天平節度使兼東面副都統 九月黃巢眾號十五萬曹全晟以其眾六千與之戰頗有殺獲以眾寡不敵退屯泗上以俟諸軍至併力擊之而高駢竟不之救賊遂擊全晟破之 徐州遣兵三千赴潞水過許昌徐卒素名凶

恃節度使薛能自謂前鎮彭城有恩信於徐人館之趨場及暮徐卒大譟能登子城樓問之對以供備疎闕慰勞久之方定許人大懼時忠武亦遣大將周岌詣澠水行未遠聞之夜引兵還比明入城襲擊徐卒盡殺之且怨能之厚徐卒也遂逐之能將裨襄陽亂兵追殺之并其家岌自稱留後汝鄭把截制置使齊克讓恐為岌所襲引兵還兗州於是諸道兵屯澠水者皆散黃巢遂悉衆度淮所過不虜掠惟取丁壯以益兵 冬十月以諸

欽定四庫全書

通鑑紀事本末  
卷三十七上

十六

葛蕘為夏綏節度使 黃巢陷申州遂入潁宋徐兗之境

十一月詔河東節度使鄭從謹以本道兵授

諸葛蕘及代州刺史宋政使南討黃巢乙卯以代北都

統李琢為河陽節度使 初黃巢將渡淮豆盧瑑請以

天平節鉞授巢俟其到鎮討之盧攜曰盜賊無厭雖與

之節不能止其剽掠不若急發諸道兵扼泗州汴州節

度使為都統賊既前不能入關必還掠淮浙偷生海渚

耳從之既而淮北相繼告急攜稱疾不出京師大恐庚

申東都奏黃巢入汝州境 辛酉以河中都虞候王重

榮權知留後 汝鄭把截制置都指揮使齊克讓奏黃

巢自稱天補大將軍轉牒諸軍云各宜守壘勿犯吾鋒吾

將入東都即至京邑自欲問罪無預衆人上召宰相議

之豆盧瑑崔沆請發關內諸鎮及兩神策軍守潼關壬

戌日南至上開延英對宰相泣下觀軍容使田令孜奏請

選左右神策軍弓弩手守潼關臣自為都指揮制置把

截使上曰侍衛將士不習征戰恐未足用令孜曰昔安

欽定四庫全書

通鑑紀事本末  
卷三十七上

十七

祿山構逆玄宗幸蜀以避之崔沆曰祿山衆纔五萬比

之黃巢不足言矣豆盧瑑曰哥舒翰以十五萬衆不能

守潼關今黃巢衆六十萬而潼關又無哥舒之兵若令

孜為社稷計三川帥臣皆令孜腹心比於玄宗則有備

矣上不懌謂令孜曰卿且為朕發兵守潼關是日上幸

左神策軍親閱將士令孜薦左軍馬軍將軍張承範右

軍步軍將軍王師會左軍兵馬使趙珂上召見三人以

承範為兵馬先鋒使兼把截潼關制置使師會為制置

關塞糧料使珂為句當塞柵使令孜為左右神策軍內外八鎮及諸道兵馬都指揮制置招討等使飛龍使楊復恭為副使癸亥齊克讓奏黃巢已入東都境臣收軍退保潼關於關外置塞將士屢經戰鬪久之資儲州縣殘破人煙殆絕東西南北不見主人凍餒交逼兵械刑弊各思鄉閭恐一旦潰去乞早遣資糧及援軍上命選兩神策弩手得二千八百人令張承範等將以赴之丁卯

黃巢陷東都留守劉允章帥百官迎謁巢入城勞問而

欽定四庫全書

通鑑紀事本末  
卷三十七上

六

己閏里宴然允章迺之曾孫也田令孜奏募坊市人數千以補兩軍辛未陝州奏東都已陷壬申以田令孜為汝洛晉絳同華都統將左右軍東討是日賊陷虢州以神策將羅元果為河陽節度使乙亥張承範等將神策弩手發京師神策軍士皆長安富家子賂宦官竄名軍籍厚得廩賜但華衣怒馬憑勢使氣未嘗更戰陳聞當出征父子聚泣多以金帛雇病坊貧人代行往往不能操兵是日上御章信門樓臨遣之承範進言聞

黃巢擁數十萬之衆鼓行而西齊克讓以飢卒萬人依托關外復遣臣以二千餘人屯於關上又未聞饋餉之計以此拒賊臣竊寒心願陛下趣諸道精兵早為繼援上曰卿輩第行兵尋至矣丁丑承範等至華州會刺史裴虔餘徙宣歙觀察使軍民皆逃入華山城中索然州庫唯塵埃鼠跡賴倉中猶有米千餘斛軍士裹三日糧而行十二月庚辰朔承範等至潼關搜菁中得村民百許使運石汲水為守禦之備與齊克讓軍皆絕糧

欽定四庫全書

通鑑紀事本末  
卷三十七上

九

士卒莫有鬪志是日黃巢前鋒軍抵關下白旗滿野不見其際克讓與戰賊小却俄而巢至舉軍大呼聲振河華克讓力戰自午至酉始解士卒飢甚遂誼譟燒營而潰克讓走入關關左有谷平日禁人往來以權征稅謂之禁坑賊至倉猝官軍忘守之潰兵自谷而入谷中灌木壽藤茂密如織一夕踐為坦塗承範盡散其錙囊以給士卒遣使上表告急稱臣離京六日甲卒未增一人饋餉未聞影響到關之日巨寇已來以二千餘人拒六

十萬衆外軍飢潰踴開禁院臣之失守鼎鑊甘心朝廷謀臣愧顏何寄或聞陛下已議西巡苟鑿與一動則上下土崩臣敢以猶生之軀奮冒死之語願與近密及宰臣熟議未可輕動急徵兵以救關防則高祖太宗之業庶幾猶可扶持使黃巢繼安祿山之亡微臣勝哥舒翰之死卒已賊急攻潼關承範悉力拒之自寅及申關上矢盡投石以擊之關外有天塹賊驅民千餘人入其中掘土填之須臾即平引兵而度夜縱火焚關樓俱盡承

欽定四庫全書

通鑑紀事本末  
卷三十七上

十一

範分兵八百人使王師會守禁院比至賊已入矣壬午旦賊夾攻潼關關上兵皆潰師會自殺承範變服帥餘衆走脫至野狐泉遇奉天援兵二千繼至承範曰汝來晚矣博野鳳翔軍還至渭橋見所募新軍衣裘溫鮮怒曰此輩何功而然我曹反凍餒遂掠之更為賊鄉導以趣長安賊之攻潼關也朝廷以前京兆尹蕭廩為東道轉運糧料使廩稱疾請休官貶賀州司戶黃巢入華州留其將喬鈴守之河中留後王重榮請降於賊癸未制

以巢為天平節度使甲申以翰林學士承旨尚書左丞王徽為戶部侍郎翰林學士戶部侍郎裴澈為工部侍郎並同平章事以盧攜為太子賓客分司田令孜聞黃巢已入關恐天子責已乃歸罪於攜而貶之薦徽澈為相是夕攜飲藥死澈休之從子也百官退朝聞亂兵入城布路竄匿田令孜帥神策兵五百奉帝自金光門出惟福穆澤壽四王及妃嬪數人從行百官皆莫知之上奔馳晝夜不息從官多不能及車駕既去軍士及坊市

欽定四庫全書

通鑑紀事本末  
卷三十七上

十二

民競入府庫盜金帛晡時黃巢前鋒將紫存入長安金吾大將軍張直方帥文武數十人迎巢於霸上巢乘金裝肩輿其徒皆被髮約以紅繒衣錦繡執兵以從甲騎如流輜重塞塗千里絡繹不絕民夾道聚觀尚讓歷諭之曰黃王起兵本為百姓非如李氏不愛汝曹汝但安居毋恐巢館於田令孜第其徒為盜久不勝富見貧者往往施與之居數日各出大掠焚市肆殺人滿街巢不能禁尤憎官吏得者皆殺之上趣駱谷鳳翔節度使

鄭畋謁上於道次請車駕留鳳翔上曰朕不欲密邇巨寇且幸興元徵兵以圖收復卿東扞賊鋒西撫諸藩糾合鄰道勉建大勲畋曰道路梗澁奏報難通請得便宜從事許之戊子至上至壻水詔牛勗楊師立陳敬瑄論以京城不守且幸興元若賊勢猶盛將幸成都宜豫為備擬庚寅黃巢殺唐宗室在長安者無遺類辛卯巢始入宮壬辰巢即皇帝位于含元殿畫皐繒為衮衣擊戰鼓數百以代金石之樂登丹鳳樓下赦書國號大齊改元

欽定四庫全書

通鑑紀事本末  
卷三十七上

三

金統謂廣明之號去唐下體而著黃家日月以為已符瑞唐官三品已上悉停任四品以下位如故以妻曹氏為皇后以尚讓為太尉兼中書令趙璋兼侍中崔瑒楊希古並同平章事孟楷蓋洪為左右僕射知左右軍事費傳古為樞密使以太常博士皮日休為翰林學士瑤邠之子也時罷浙東觀察使在長安巢得而相之諸葛爽以代北行營屯櫟陽黃巢將碭山朱溫屯東渭橋巢使溫誘說之爽遂降於巢巢以諸葛爽為河陽節度

使爽赴鎮羅元果發兵拒之士卒皆棄甲迎爽元果逃奔行在鄭畋還鳳翔召將佐議拒賊皆曰賊勢方熾且宜從容以俟兵集乃圖收復畋曰諸君勸畋臣賊乎因悶絕仆地斃傷其面自午至明旦尚未能言會巢使者以赦書至監軍袁敬宗與將佐序立宣示代畋草表署名以謝巢監軍與巢使者宴樂奏將佐以下皆哭使者怪之幕客孫儲曰以相公風痺不能來故悲耳民間聞者無不泣畋聞之曰吾固知人心尚未厭唐賊授首

欽定四庫全書

通鑑紀事本末  
卷三十七上

三

無日矣乃刺指血為表遣所親問道詣行在召將佐諭以順逆皆聽命復刺血與盟然後完城塹繕器械訓士卒密約隣道合兵討賊隣道皆許諾發兵會於鳳翔時禁軍分鎮關中者尚數萬聞天子幸蜀無所歸畋使人招之皆往從畋畋分財以結其心軍勢大振丁酉車駕至興元詔諸道各出全軍收復京師己亥黃巢下令百官詣趙璋第投名銜者復其官豆盧瑑崔沆及左僕射于琮右僕射劉鄩太子少師裴諗御史中丞趙澤

刑部侍郎李溥京兆尹李湯扈從不及匿民間巢搜獲  
皆殺之廣德公主曰我唐室之女誓與于僕射俱死執  
賊刃不置賊并殺之發廬攜尸戮之於市將作監鄭基  
庫部郎中鄭係義不臣賊舉家自殺左金吾大將軍張  
直方雖臣於巢多納亡命匿公卿於複壁巢殺之初  
樞密使楊復恭薦處士河間張濬拜太常博士遷度支  
貲外郎黃巢逼潼關濬避亂商山上幸興元道中無供  
頓漢陰令李康以騾負糗糧數百馱獻之從行軍士始

欽定四庫全書

通鑑紀事本末  
卷三十七上

二十四

得食上問康卿為縣令何能如是對曰臣不及此乃張  
濬貲外教臣上召濬詣行在拜兵部郎中 義成節度  
使王處存聞長安失守號哭累日不俟詔命舉軍入援  
遣二千人間道詣興元衛車駕 黃巢遣使調發河中  
前後數百人吏民不勝其苦王重榮謂衆曰始吾屈節  
以紓軍府之患今調財不已又將徵兵吾亡無日矣不  
如發兵拒之衆皆以為然乃悉驅巢使者殺之巢遣其  
將朱溫自同州弟黃勣自華州合兵擊河中重榮與戰

大破之獲糧仗四十餘船遣使與王處存結盟引兵營  
於渭北陳敬瑄聞車駕出幸遣步騎三千奉迎表請幸  
成都時從兵浸多興元儲侍不豐田令孜亦勸上上從  
之

中和元年春正月車駕發興元辛未上至綿州東川節  
度使楊師立謁見壬申以工部侍郎判度支蕭遘同平  
章事 鄭畋約前朔方節度使田弘夫涇原節度使程  
宗楚同討黃巢巢遣其將王暉齋詔召畋畋斬之遣其

欽定四庫全書

通鑑紀事本末  
卷三十七上

二十五

子凝績詣行在凝績追及上於漢州 丁丑車駕至成  
都館於府舍 上遣中使趣高駢討黃巢道路相望駢  
終不出兵上至蜀猶冀駢立功詔駢巡內刺史及諸將  
有功者自監察至常侍聽以墨勅除訖奏聞 二月  
乙卯朔以太子少師王鐸守司徒兼門下侍郎同平章  
事 丙申加鄭畋同平章事 加淮南節度使高駢東  
面都統加河東節度使鄭從讜兼侍中依前行營招  
討使代北監軍陳景思帥沙陀酋長李友金及薩葛安慶

吐谷渾諸部入援京師至絳州將濟河絳州刺史瞿稹亦沙陀也謂景思曰賊勢方盛未可輕進不若且還代北募兵遂與景思俱還雁門以樞密使楊復光為京城西南面行營都監黃巢以朱溫為東南面行營都虞候將兵攻鄧州三月辛亥陷之執刺史趙戒因戍鄧州以扼荆襄壬子加陳敬瑄同平章事甲寅敬瑄奏遣左黃頭軍使李鋌將兵擊黃巢辛酉以鄭畋為京城

四面諸軍行營都統賜畋詔凡蕃漢將士赴難有功者

欽定四庫全書

通鑑紀事本末  
卷三十七上

三六

並聽以墨敕除官畋奏以涇原節度使程宗楚為副都統前朔方節度使唐弘夫為行軍司馬黃巢遣其將尚讓王播帥眾五萬寇鳳翔畋使弘夫伏兵要害自以兵數千多張旗幟疎陳於高岡賊以畋書生輕之鼓行而前無復行伍伏發賊大敗於龍尾陂斬首二萬餘級伏尸數十里有書尚書省門為詩以嘲賊者尚讓怒應在省官及門卒悉抉目倒懸之大索城中能為詩者盡殺之識字者給賤役凡殺三千餘人瞿稹李友金至

代州募兵踰旬得三萬人皆北方雜胡屯於崞西獷悍暴橫稹與友金不能制友金乃說陳景思曰今雖有眾數萬苟無威望之將以統之終無成功吾兄司徒父子勇略過人為眾所服驃騎誠奏天子赦其罪召以為帥則代北之人一麾響應狂賊不足平也景思以為然遣使詣行在言之詔如所請友金以五百騎齎詔詣達靼迎之李克用帥達靼諸部萬人赴之羣臣追從車駕

者稍稍集成都南北司朝者近二百人諸道及四夷貢

欽定四庫全書

通鑑紀事本末  
卷三十七上

三七

獻不絕蜀中府庫充實與京師無異賞賜不乏士卒欣悅黃巢得王徽逼以官徽陽瘖不從月餘逃奔河中遣人間道奉絹表詣行在詔以徽為兵部尚書前夏綏節度使諸葛爽復自河陽奉表自歸即以為河陽節度使宥州刺史拓跋思恭本党項羌也糾合夷夏兵會鄜延節度使李孝昌於鄜州同盟討賊奉天鎮使齊克儉遣使詣鄭畋求自效甲子畋傳檄天下藩鎮合兵討賊時天子在蜀詔令不通天下謂朝廷不能復振